

石室秘錄目錄

山陰陳士鐸遠公甫敬習

義烏金以謀孝 邑甫訂定
李祖麻子永甫參攷

卷一

正醫法

反醫法

順醫法

逆醫法

內治法

外治法

完治法

碎治法

大治法

小治法

偏治法

全治法

生治法

死治法

上治法

中治法

下治法

先治法

後治法

急治法

緩治法

本治法

末治法

不內外治法

陰治法

陽治法

假治法

卷二

真治法

男治法

女治法

虛治法

實治法

寒治法

熱治法

通治法

塞治法

解治法

斂治法

升治法

墮治法

開治法

閉治法

吐治法

泄治法

王治法

霸治法

倒治法

縛治法

肥治法

瘦治法

摩治法

浴治法

達治法

發治法

奪治法

深治法

淺治法

長治法

短治法

日治法

夜治法

氣治法

血治法

臟治法

腑治法

常治法

變治法

初治法

終治法

端治法

分治法

同治法

異治法

勞治法

逸治法

吸治法

引治法

單治法

雙治法

立治法

卧治法

饑治法

飽治法

卷三

富治法

貧治法

產前治法

產後治法

老治法

少治法

東南治法

西北治法

皮毛治法

肌膚治法

筋脉治法

温治法

清治法

收治法

散治法

軟治法

堅治法

抑治法

揚治法

痰治法

火治法

靜治法

動治法

春夏治法

秋冬治法

奇治法

平治法

奇治法

耦治法

形治法

氣治法

暗治法

明治法

久治法

暫治法

遠治法

近治法

輕治法

重治法

瘧疫治法

得治法

意治法

傷寒相舌秘法

一論五行

二論臟腑

三論陰陽

四論晝夜

五論四時

六論氣色

七論脉訣

八論強弱

九論寒熱

卷四

十論生死

十一論真假

十二論老少

十三論氣血

十四論命門

十五論任督

十六論子嗣

十七論瘧疫

岐天師兒科治法

諸真人傳授兒科

張真人傳痘疹門

錢真人傳痘瘡神方

岐天師又傳治回毒歲久不愈方

岐真人傳兒科秘法

長沙真人張傳治小兒感冒傷寒方

兒痢

雷真君親傳活人錄

傷寒門 四十條

中寒門 六條

中暑門 九條

水濕門 九條

熱症門 三條

燥症門

內傷門 三十四條

血症

腹痛

喉痛

氣鬱

癩症

狂症

呆病

厥症

斑疹

亡陽

痢疾

五絕

砒毒

虎傷

湯火傷

癰疽併無名瘡毒

石室秘錄目錄

卷一

正醫
 肺經生癰 久嗽服氣 水瀉 血痢 神怔 不寐
 腫兩脇脹滿 吞酸吐酸 腰痛

反醫
 發狂見鬼 發狂不見鬼
 卒倒不知人 中風墮地

順醫
 氣虛大逆 雙蛾
 胃虛

逆醫
 肺癰 吐瀉
 腸癰

內治
 陽症癰疽
 陰症癰疽

外治
 頭痛 腦痛 兩臂肩膊痛
 兩足痛 腰下痛 接舌生舌

完治
 瘰癧 疔毒 瘰癧 接舌生舌

碎治
 瘰癧 疔毒 瘰癧 接舌生舌

大治
 瘰癧 疔毒 瘰癧 接舌生舌

小治
 瘰癧 疔毒 瘰癧 接舌生舌

偏治
 瘰癧 疔毒 瘰癧 接舌生舌

全治
 瘰癧 疔毒 瘰癧 接舌生舌

生治
 瘰癧 疔毒 瘰癧 接舌生舌

死治
 瘰癧 疔毒 瘰癧 接舌生舌

上治
 瘰癧 疔毒 瘰癧 接舌生舌

中治
 瘰癧 疔毒 瘰癧 接舌生舌

通治
 瘰癧 疔毒 瘰癧 接舌生舌

下治
 鵝膝風 多骨癰 囊癰 騎馬癰

先治
 外感初起 內傷初起

後治
 補正致邪 傷寒初起

急治
 風邪作喘 直中陰寒 中心卒痛 非內傷

緩治
 陽明之火瀉 火瀉

本治
 心驚不安 夜卧不睡 精滑夢遺 見色倒戈

末治
 大便不通 小便不通 瘧症感中風邪 跌仆斷傷

不內外治
 腎虛感寒 水虧夜熱

陰治
 傷寒發斑 中著大熱 傷胃吐血 陽症火瀉

陽治
 傷寒發斑 中著大熱 傷胃吐血 陽症火瀉

假治
 假熱 假寒

卷二

真治
 真熱 真寒

男治
 狐疝 強陽不倒 痿陽不振 風邪入血室

女治
 氣虛 血虛

實治
 治實邪

寒治
 吐血 衄血 目睡

熱治
 口舌生瘡 目睡

奪治
 水腫 腹脹 肘腫

塞治

氣虛中滿
飽食填塞
結胸 內傷肝鬱

解治

亡陽 下血
頭汗 吐血

升治

陽虛下陷
陰虛下陷
腹痛三症

墮治

開隔 尸厥

閉治

交感脫精
夢遺脫精
疲塊壅塞

吐治

飲食難消
內傷諸症

泄治

大渴 大吐
發背 癰腫 狂言見鬼 大滿

倒治

肝葉倒轉
墮水淹死
肺癰開刀 久伸

縛治

兩手不能
氣虛多痰

肥治

瘦人多火

瘦治

手足疼痛 臟腑癥結
頸項強直 口眼歪斜

摩治

治癰頭 止手汗

浴治

大丹痧疹

達治

疏通肝邪

發治

中濕 中著

異治

傷寒 久卧

勞治

久坐

深治

病入膏肓
細小疾病

淺治

痿症 腋痛 背脊骨痛 兩腿酸痛
勞肉 拔睛 痲病 四逆湯

長治

陽明口瀉用石羔湯
附子理中湯 大承氣湯

短治

日間發寒熱

夜治

夜發寒熱

氣治

治血宜順性

血治

肺脾同治 腎肝同治
心腎同治 肺經獨治
小便閉塞 大便秘結
頭痛 目痛 腎虛吐衄

腑治

傷寒受結胸 慮變下痢 中風變症
中著 變亡陽 論反胃 變噎膈
傷風調理 燥症善後 中濕調理
傷暑初治 傷濕初治 傷食初治
火病初治

初治

變治

常治

腑治

臟治

血治

氣治

夜治

短治

長治

淺治

深治

直中陰寒
便血與瀉血分治 腰痛與頭痛分治
遺精與健忘分治 吞酸與泄瀉分治
中氣與中痰分治
四物 道遠 六君 歸脾 以柴胡
參蘇補中益氣 四君子湯 加減法
疥瘡 黃水瘡 白癩風
癩瘡 粉刺 頑瘡
肌皮膚治 癩瘡 坐板瘡

逸治 過勞 治血勞 治氣勞

吸治 胞毒初起 頭痛 腸下

引治 虛火沸騰 厥逆

單治 諸痛治肝 各症治胃

雙治 心痛治肝 胃止治脾

立治 厥症 腰痛

卧治 痛風 風眩 風痺

鐵治 傷寒 蟲痛

飽治 治上焦火 治上焦痰 治胃長

卷三

富治 膏粱宜補正氣

貧治 貧賤不可與 富貴人同治

產前治 子懸 沉胎 胎動

產後治 橫生倒養 產後宜補

老治 老人宜補腎

少治 少年人宜治脾胃

東南治

西北治

耦治 雙味治病

形治 目痛 頭痛 手痛 足痛

氣治 氣逆痰湧 氣虛痰多 氣虛痰寒 氣虛痰熱

筋脉治 筋病

温治 虛癆

清治 脉燥

收治 久嗽 久瀉

散治 散鬱

軟治 消痞塊

堅治 注夏

抑治 肝火 心火 胃火

揚治 氣沉血滯

痰治 治初起之痰 久病之痰 已病之痰 頑痰

火治 治陽明胃火 治各經之火

靜治 解火鬱

動治 治手足麻木

春夏治 春宜理氣 夏宜健脾

秋冬治 秋宜潤肺 冬宜補腎

奇治 治奇症四十七

平治 氣虛 血虛 脾虛 腎虛 胃虛 諸用藥方

奇治 單味治病

三論陰陽

四論晝夜

五論四時

暗治 鬼門暗疾 產門生蟲

明治 治瘡毒 頭面上瘡 身上手足瘡

久治 虛寒久治

暫治 傷風 傷食 傷暑 傷濕

遠治 中風 食積 痰症

近治 癍倒 心痛 暴亡 腹痛 欲死 中惡 中痰 心疾

輕治 小柴胡湯

重治 大瀉 大瀉 陰陽脫 大吐

瘟疫治

瘴癘治

得治

失治

意治

神治

傷寒相舌秘法

一論五行

二論臟腑

岐天師又傳治回毒久不愈方

岐真人傳兒科秘方

長沙張真人傳治小兒感冒風寒方

兒科 驚風 吐瀉 胎突 出乳

六論氣色

七論脉訣

八論強弱

九論寒熱

卷四

十論生死

十一論真假

十二論老少

十三論氣血

十四論命門

十五論任督

十六論子嗣

十七論瘟疫

岐天師兒科治法

諸真人傳授兒科

張真人傳痘疹門

錢真人傳痘瘡神方

石室秘錄卷二

山陰陳士鐸遠公甫敬習

義烏李以謀李芭甫訂定
李祖謙丁永甫參啟

真治法 論真熱真寒

天師曰真病原難分晰然有假即有真也而以首症言之如人喉痛口乾舌燥身熱與假熱無異然而此曰真熱者何以辨之假熱之症口雖渴而不甚舌雖乾而不燥即燥而無芒刺無裂紋頭雖痛而日間輕身雖熱而有汗不若真熱之症口乾極而呼水舌燥極而開裂生刺喉日夜痛而不已身大熱烙手而無汗也方用麻黃三錢黃連三錢黃芩三錢知母三錢石膏三錢半夏三錢枳壳二錢甘草一錢當歸五錢水煎服一劑輕二劑愈此方純用寒涼之藥以祛逐其火火一去而上焦寬快矣更有人手足冰冷或有時溫和厥逆身戰畏寒與假寒無異然而謂之真寒者何以辨之假寒之症手足冰冷或有時溫和厥逆身戰亦不大甚有時而安然有時而發擡不若真寒之症手足寒久不回色變青紫身戰不已口噤出聲而不可禁也方用附子三錢肉桂一錢乾姜一錢白朮五錢人參一兩急救之此乃真中寒邪腎火避出軀壳之外而陰寒之氣真犯心宮心君不守肝氣無依乃發戰發噤手足盡現青色也然則止宜用附桂乾姜祛逐其寒邪足矣何以又用白朮人參且少用亦足濟用何以多加如許也蓋元陽飛越止一線之氣未絕若不急用人參返氣於若存若亡之際而徒用桂附乾姜一派辛辣火熱之藥邪雖外逐而正氣亦就垂絕故不若多加於危絕之際則敗軍殘卒見有孤軍未亡而又驍勇之將號召散卒有不再整旗鎗共奔轟下者乎此真治之妙也

張公曰奇論天開真治即真治真治其本病而不必以假藥騙之對症用藥可也余不再論 華君曰亦同

男治法 論痲瘋不振 強陽不倒

天師曰男子與女子之治原無分別然而亦有殊處男子與婦人殊者痲病強陽不倒痲而不舉痲病不同然而與婦人異者止痲痲不同耳餘俱相同痲痲者日間縮在囊之上夜間睡在囊之下也此乃溫濕又感陰陽不正之氣乘於交感之際或在神道之旁或在風濕之際感而成之也方用杜仲五錢搗汁以涼水洗之取汁一碗加人參一兩肉桂一錢桂枝一錢小茴一錢核桃一錢水煎服一服即伸出二服即消三服全愈即神方

扶正去痲湯

男治法 男治法

○強陽不倒此虛火炎上而肺金之氣不能下行故耳。若用黃柏知母二味煎湯飲之立時消散然而自倒之後終歲經年不能重振亦是苦也。方用元參三兩肉桂三分麥冬三兩水煎服即倒。此方妙在元參以瀉腎中浮遊之火尤妙肉桂三分引其入宅而招散其沸越之火同氣相求火自回合。况麥冬又助肺金之氣清肅下行以生腎水水足火自息矣。此不求倒而自倒也。他日亦可重整戈矛再圖歡合。○至於痿而不振者乃過於琢削日泄其腎中之水而腎中之水亦日消亡蓋水去則火亦去必然之理如一家人口厨下無水又何以煮爨也。方用熟地一兩山茱萸四錢遠志一錢巴戟天一錢肉苁蓉一錢肉桂二錢人參三錢枸杞子三錢茯神二錢杜仲一錢白朮五錢水煎服一劑起二劑強三劑妙。老人倍加。此方用熟藥於補水之中則火起而不愁炎燒之禍自然煮湯可飲煮米可食斷不至焦釜沸乾或虞爆炸也。此皆男治之法也。

張公曰男治法妙然余亦有數方可並傳之。狐病方用白朮五錢沙參一兩柴胡二錢白芍三錢王不留行三錢水煎服一劑即出而不縮。○陽倒不舉方用熟地一斤肉桂三兩覆盆子三兩黃芪二斤巴戟天六兩柏子仁三兩去油麥冬三兩當歸六兩白朮八兩各為末蜜為丸每日白滾湯送下一兩自然陽旺不倒矣。孫真君傳治疝方用沙參一兩橘核一錢肉桂一錢柴胡一錢白芍五錢陳皮五分吳茱萸五分水煎服一劑即定痛。二劑即全愈。疝氣一症大約皆肝水之病予所以治其肝自隨手而奏功也。妙。

女治法

論風邪入血室
陰門生瘡

天師曰女症各經俱與男人同治。惟是經症宜知。至於羞隱之處更宜留心是也。經期前後寒熱濕涼有邪無邪俱當細辨。世有專門不須枚舉。惟今止據一症而言之。如婦人經期適來為寒風所中則經水必然驟止。經不外泄必變為寒熱時而身戰時而身涼。目見鬼神心中驚悸。論治法本當刺其期門之穴。一刺出血立已。無奈世人不肯刺於乳下。羞恚不肯為醫人所見。於是必變而益發狂。咕語所由來也。今立一方治之。方用柴胡三錢當歸二錢白芍五錢只壳二錢炒梔子三錢甘草一錢陳皮五分生地二錢水煎服。此方妙在用柴胡於白芍之中。蓋前病經血不能外出則血藏於血室之中。藏而不出則血化為熱氣鬱結不伸。必在半表半裏之間。以興妖作怪。柴胡真半裏半表之藥。用白芍直入血室和平而分解之。如人羞恚隱藏於血室之內。必得一

相信之人走入其中。為之開導。而後眾人排闥而入。庶幾一笑回春。仍然歡好。身出而禍亦消。此方之妙理。實相同故耳。而顯譬之。非好為論說也。至於羞隱之症。亦不可枚舉。查其法門。而細詢病情。隨症加減。治之可耳。張公曰。論奇顯。予更有說。熱入血室。非熱耳。乃風邪壅之而熱也。所以用柴胡一散而愈。○婦人羞隱之處。不便明言。然大約非寒則熱耳。今有一試方。先用當歸三錢。白芍三錢。川芎一錢。熟地五錢。甘草一錢。柴胡一錢。白芥子一錢。黃芩三分。炮姜三分。水煎服。倘有羞隱之處。不肯明言者。以此方投之。必奏奇功。問之服藥後效。前平善。則是虛症也。竟用四物湯治之可也。未好。則是熱病作祟。方中大加梔子三錢。治之。必奏功也。此亦妙法。行醫者宜亟知之。

華君曰。女子治法。尚有二條未傳。待予補之。婦人陰內生虫。乃濕熱也。用雞肝末藥引之。亦妙。終不若夫子之方更神也。方用蚯蚓三四條。炙乾為末。用葱數條。火上炙乾為末。用蜜一碗。煮成膏。將藥搗於其中。納入其戶。則虫盡死矣。自然隨溺而下。神方也。世人未知也。幸為留意。○又婦人陰門邊生瘡。作痒作痛。不止者。此方煎水洗之。立效。方用蛇床子一兩。花椒三錢。白礬三錢。水十碗。煎五碗。乘熱燻之。濕則洗之。一次即止痒。二次即止痛。三次即全愈。分作五日洗之。每日止消洗一次。神效之極。幸珍之。

虛治法 論氣虛血虛

天師曰。虛症亦多。我舉一二以概其餘。虛治者。非氣虛即血虛也。氣虛如人不能飲食。食之而不能化者。是血虛者。而色黃瘦。或出汗盜汗。或夜眠常醒。不能潤色以養筋者是也。蓋飲食入胃。必須胃氣充足。始能化糟粕。而生津液。氣既自餒。何能化飲食也。方用人參二錢。黃芪三錢。白朮三錢。陳皮五分。甘草一錢。麥芽五分。神麴五分。山查五粒。炮姜一錢。茯苓三錢。水煎服。此方參苓芪朮。純是健脾開胃之品。又恐飲食難消。復加山查神麴。麥芽之類。以消之。則胃氣既旺。又何愁飲食之不化。津液之不生耶。○血虛自當補血。舍四物湯。又何求耶。余今不用四物湯。用麥冬三錢。熟地一兩。桑葉一片。枸杞子三錢。茜草一錢。當歸五錢。水煎服。此方妙在用桑葉以補陰而生血。又妙加入茜草。則血得活而益生。况又濟之熟地。麥冬。當歸。大劑以共生之。則血足而色潤。筋舒也。外症既見。改觀則內自安。而寐過。心氣得養。又甯有盜汗之生哉。此虛治之法也。

張公曰。虛治亦不止補氣血。蓋此二方實可統治之甚矣。天師立方之妙也。別有加減之法。氣虛方中。倘傷米食。加麥芽五分。傷食肉。加山查十粒。傷麪食。加萊菔子五分。有痰。加半夏一錢。白芥子一錢。咳嗽。加蘇子一錢。桔梗一錢。傷風。柴胡二錢。夜卧不安。加炒棗仁二錢。胸中若微疼。加只壳五分。血虛方中。亦同前加減治之法。

華君曰。尚有一方。併傳子。有氣血兩虛之人。飲食不進。形容枯槁。補其氣而血益燥。補其血而氣益餒。助胃氣而盜汗難止。補血脈而胸膈阻滯。法當氣血同治。方用人參一錢。白朮一錢。甘草八分。陳皮五分。茯苓二錢。當歸二錢。白芍三錢。熟地三錢。川芎一錢。神麪五分。麥冬五錢。穀芽一錢。水煎服。此方氣血雙補。與八珍湯同功。而此更妙于八珍者也。妙在補中有調和之法耳。

寔治法 論治寔邪

天師曰。寔病亦不同。亦甚多。今亦舉其一。二。如人終歲終年。不畏勞役。不辭辛苦。寒涼之品。可以多食。辛熱之味。不能上口者是也。至於邪氣之人。不同可觀。吾言寔病之多。皆邪氣之多也。人寔者少。而虛者多。邪氣之人。別有治法。不可混入此門也。倘人有強壯之容。顏過於熱。甚欲求方者。與之方。用陳皮一錢。神麪一錢。麥芽一錢。黃苓一錢。厚朴一錢。天花粉一錢。甘草五分。芍藥二錢。山查十粒。只壳五分。當歸二錢。茯苓一錢。水煎服。此等方。止可備用。以治有餘之人。不可據之以概治天下之人也。蓋寔者。一百中二三人。而虛者。徧天下。天地之氣。何能過厚。况培植者少。而琢削者多乎。今定此方。亦定一門之治法。非教醫者執此以消導之耳。

張公曰。仁心仁術。於此方並見。寔病甚少。

天師言多者。乃言邪氣之寔。非言正氣之寔也。邪氣之寔。傷寒門最多。天師言有專門者。說有傷寒之書也。倘人病邪氣之寔。幸於傷寒門查而治之。無差毫髮。傷寒書卷繁多。茲不能備載耳。

華君曰。予未傳。

寒治法 論吐血衄血 目腫 口舌生瘡

天師曰。寒治者。乃火盛而正折之也。如人病目痛。口舌生瘡。鼻中出血。口中吐血。是也。此等之症。乃火氣鬱勃。

于上焦不能分散故重則上冲而為吐血衄血輕則目痛而口舌生瘡也法當用寒涼之品以清其火熱燔原之勢並瀉其炎上巔頂之威方用生地一兩川芎五錢元參五錢黃芩三錢三七末根三錢當歸一兩甘草一錢荊芥炒一錢水煎服此方妙在不純用寒涼以逐火而反用微寒之藥以滋陰蓋陰氣生則陽氣自然下降尤妙用荊芥引血歸經用三七末以上截其新來之路又加黃芩以少清其奔騰之勢誠恐過於寒涼恐冷熱相戰又加甘草以和之此治熱之最妙最巧法也若竟用寒涼折之非不取快一時然火降而水不足則火無所歸仍然熾生風起必較前更勝而始以清補之藥救之則胃氣已虛何能勝任予所以乘其初起即用之為妙也○目腫而痛亦是大症然必看其眵多淚多紅腫而痛如有物針觸一般用柴胡三錢甘草一錢炒梔子三錢半夏一錢白蒺藜三錢水煎服此方之妙全在直散肝膽之鬱火火散則熱自退不攻之攻勝于攻不下之下勝于下也一劑即可奏功正不必再服○口舌生瘡又不可如是治之乃心火鬱熱而舌乃心苗故先見症治用黃連二錢菖蒲一錢水煎服一劑而愈神方也此方不奇在黃連而奇在菖蒲菖蒲引心經之藥黃連雖亦入心經然未免肝脾亦入未若菖蒲之串入心也况不祿之以各經之品孤軍深入又何疑哉此所以奏功如响也倘不知用藥神機輕混之以肝脾之藥雖亦奏奇功終不能捷如桴鼓此治熱之又一法也

張公曰寒治之法世人最多予皆不取今天師之法不容予不首折也用寒而又遠寒用散而又遠散真奇與巧並行而攻與補並用也予何必多言哉無已則更有一方在治火初起之時尚未現於頭目口齒之際亦可以化為無方用柴胡二錢白芍三錢甘草一錢炒梔子三錢半夏一錢羌活五分茯苓三錢水煎服一劑可以散火方名先解湯乘外症之不見而先解之亦爭上流法醫者宜留意焉

華君曰亦無有傳我

孫真人曰予有吐血方傳子生地汁一碗無鮮生地處用乾者一兩煎湯半碗調三七根末三錢炮姜炭末五分服一劑即止血神效衄血亦可治妙

熱治法

論腎寒吐瀉
論心寒胃弱

天師曰熱治寒也寒症不同舉一二症言之如嘔吐不已食久而出是也或不利不已五更時分痛瀉四五次

是也此等之病人皆以為脾胃之寒治其胃則嘔吐可止治其脾則下利可過然而終歲經年服胃脾藥而不愈者何也不得其故耳蓋胃為腎之關而脾為腎之海胃氣不補命門之火則心包寒甚何以生胃土而消其穀食脾氣不補命門之火則下焦虛冷何以化其糟粕而生精微故補胃必宜補腎而補脾亦宜補腎也方用熟地三兩山茱萸二兩茯苓三兩人參三兩肉桂三兩附子一兩北五味一兩吳茱萸五錢山藥四兩各為末蜜為丸飢服一兩此方之妙全在用腎藥居多而脾胃藥居少尤妙用熟溫之藥於補腎補土之中則火足而土健誰知水足而火生此種議論舉世未聞然豈徒托空言以示奇乎寔有至理存焉試之無不效奏頃刻願世人加意之此魚治之妙法一方可兼治之凡如此等之病無不可統而兼治也

張公曰真妙絕之論快心之論天師言補腎之法而余更有論乃言補心方也胃與脾雖同是屬土而補胃補脾宜辨凡人能食而食之不化者乃胃不病而脾病也當以補脾而補脾尤宜補腎中之火蓋腎火能生脾土也有人不能食食之而反安然者乃胃病而非脾病不可補腎中之火當補心中之火蓋心火能生胃土也世人一見人不能飲食動曰脾胃之病而不知胃分之虛寒責之心脾分之虛寒而責之腎也天師之法心腎兼補予可不必更立奇方然而治脾胃兩虛者用之神效若單是胃虛胃寒者自宜獨治心之為妙余所以更立一方以佐天師之未及方用人參一兩白朮三兩茯苓三兩菖蒲五錢良姜五錢蓮肉三兩山藥四兩半夏三錢白芥子三錢附子三錢遠志二兩炒棗仁五錢白芍三兩各為末蜜為丸每日白滾水送下三錢飯後服此方專補心火并疏肝氣專生心火內加附子良姜以助火熱之氣心火足自然生胃土胃土足而飲食自然能進而無害矣此方實可濟天師之未及也華君曰治法與余相同無可言

通治法

論下痢通治

論火瀉通治

天師曰通治鬱因其通而通之也如人病下痢者是痢疾之症多起於暑天之暑熱而又感以水濕雨露之氣以成之紅白相見如血如膿甚者如屋漏水如魚凍水裡急後重崩迫痛疼欲下而不能下而不快一日下數千行或一夜數百行或一夜數千行氣息奄奄坐而待死此通之病也若驟止其邪則頃刻死生不止其邪則危絕如絲欲補其氣則邪氣反加欲清其火則下行更甚此時惟有因勢利道之法可行於困頓之間或疑人

止分兩
不同只
多車前
子一味

解凍散
火湯

已氣虛血敗更加利道必陰歸陰不知邪氣一刻不去則正氣一刻不安古人之痢疾無止法信不誣也方用白芍三兩當歸三兩蘿蔔子一兩只壳三錢檳榔三錢甘草三錢車前子三錢水煎服一劑即止二劑全安可用飲食矣此方之奇而妙者全在用白芍當歸蓋水瀉忌當歸之滑而痢疾最喜其滑也芍藥味酸入肝以平木使木不敢再侵脾土又有只壳檳榔消逐其濕熱之邪又加車前分利其水濕而又不耗真陰之水所以功勝於茯苓也尤奇者在用蘿蔔子一味世多不解蓋蘿蔔子味辣而能逐邪去濕且又能上下通達消食利氣使氣行於血分之中助歸芍以生新血而祛湯其敗瘀也少加甘草以和中則無過烈之患耗奏功之神奇實有妙理耳

張公曰固然奇妙通權通因通用痢疾立論最為妥當然而通因之法不止痢疾也水瀉亦是下血亦是也水瀉者人見其如潮而來如瀑而下皆曰急宜止之以免亡陰之症用粟殼鶯粟烏梅之類止之其論甚是而治則非也水瀉雖不比痢疾之斷不可止然而水瀉之中亦有不可遽止之病如疼痛於腹中後重於門口皆是有火而瀉不比虛寒之直瀉俱當用通因之法而治之方用人參三錢車前一兩白芍三錢檳榔一錢甘草一錢治之此方之妙妙在車前以滑之而又佐以檳榔之去積自然有氣皆行况車前性雖滑而能分消水穀則水氣自然分開第大瀉之後自然亡陰又用人參以補氣則氣足而陰自生又慮久瀉自然虧中又加甘草以和之雖是通因之法實乃扶正之方下血之症其人之血虛不言可知似乎宜補其血矣然而血之下也必非無故非濕熱之相侵即酒毒之深結若不逐去其濕熱酒毒而徒尚止澁之味吾未見其下血之能止也方用熟地一兩地榆三錢白芍三錢當歸三錢黃連三錢甘草一錢葛根一錢枯樹枝五錢水煎服一劑必下血更多二劑畧少三劑全愈蓋此病不用通因之法永不奏功必如此而能愈也方中妙在用熟地當歸芍藥以生新血新血生則舊血必去又妙在地榆以涼大腸用柞木以去酒毒所以相濟而成功也此二方亦通因之妙用人亦亟宜知之華君曰同

雷公曰通因通用張公補論之尤為配暢我無以贊一言雖然尚有一論在瀉之後雖是火瀉畢竟宜補溫之以生其陰瀉一止即宜用四物湯加人參炮姜以溫補而不可謂水瀉忌滑而禁用歸熟也治痢魚凍水

者為虛寒症後方恐宜酌用 李子永識

塞治法 論氣虛中滿 論飽食真塞

天師曰塞者因其塞而塞之也如人氣虛中滿是也凡人氣虛多不能食食則倒飽人以為多食之故以香沙枳實等丸消導之其初未嘗不少缺入則腹飽又消之久久不已必變成中滿之症矣腹高而大氣喘而相入又以為膨脹也用牽牛甘遂等藥以利道其水未必去而膨脹益甚又以為藥之不勝也又用大黃巴豆之藥下之又不應以為風邪襲之又以辛散之品如龍膽草茵陳之類糶然紛進不治死不止猶然開鬼門泄淨府紛紛議論皆挽刀下石之徒也誰知初起之時即以補脾健胃之藥先為速治可至此哉初用之方用人參一錢白朮二錢茯苓三錢陳皮三分甘草一分萊菔子一錢薏仁五錢芡實五錢山藥三錢水煎服此方絕不去消導而專以補為事世醫未有不笑其迂以為此等藥服之必增脹滿下喉之時實覺微飽世醫乃誇示曰吾言之驗如此而病人與病家并諸親友俱嘆世醫而咎此方之迂而害事也記如下喉之時雖覺微脹入腹之後漸覺開爽連服數劑不特開爽而并無脹滿之疾矣蓋中滿之疾原是氣虛而成不補其虛脹何後解補藥之中加以萊菔子分消其脹氣使人參不敢助邪而反助正况又有茯苓薏仁芡實之類純是去濕之藥則水道自行而上壅可免尤妙用甘草一分以引羣藥之入於滿處蓋中滿最忌甘草而余偏用之成功於忌之中也

張公曰妙論查出不窮大哉聖人之語中滿固是塞症飽食填塞于胸膈○亦塞症也人皆用香砂厚朴消之而予獨不然方用人參三錢白朮三錢陳皮一錢甘草一分肉桂一錢神麴三錢水煎服此方妙在全不去消食反助其飽悶之氣誰知飽食而不消者由於胃氣之不足也我補其胃氣則胃強自能運化而入於脾中又何必用尺壳厚朴之消導然此亦塞治之法也可與 天師方並垂天壤

華君曰法同於余而論備之

雷公曰我亦有方中滿病固是胃氣之虛然獨補胃氣亦難療當補心火以生胃土方用人參三錢白朮五錢炒棗仁五錢遠志八分山藥三錢茯苓三錢米仁五錢陳皮三分神麴三分麥芽五分水煎服方中全不

治滿而滿自除。正以治火也。

解治法

論結胸 論內傷肝鬱

天師曰。解者。那聚於一處而分解之也。如人病結胸等症者。是傷寒初愈。五臟六腑久不見飲食矣。一旦飽食。則各經羣起而盼。無如胃經火熾。一甌之物。不足以供其自食。又安能分散于諸人乎。勢必羣起而爭。而胃經自家困之。茹而不吐。則五臟六腑。誼譁擾攘。而胃經堅不肯出矣。然則治之法。奈何。惟有壘壁以待。枵腹以守。則敵人自散。蓋原因無食。所以起爭。使終無糧。勢亦難於久待。自然仰闕而攻。不戰自退。乘其散亡之時。少佐師旅。聲言迫逐。實仍和解。彼此同歸於好。方用元參一兩。麥冬一兩。水二碗。煎服。此方之妙。全不去顧胃中之火。亦不去消胃中之食。止分清肺中之氣。散其心腎浮溢之焰。心腎肺經既已退舍。則肝經一旅之師。又何能為難哉。脾胃實唇齒相依。從前不過同羣共逐。大家聲揚。原未嘗有戰攻之舉。今心肝肺腎之火。既已收師。則脾藏一經。亦自相安于無事矣。倘一逢結胸。即以此方投之。則不特無功。轉且有害。故一遇結胸之病。必須令其空腹數日。而後以此方投之。萬舉萬當。此解治之一法也。

張公曰。真妙絕奇文。結胸之症。不意發如許奇語。非天師又烏能哉。我欲再發一言。不可得矣。非學貫天人。不可言醫。非識通今古。不可談醫。非窮盡方書。不可註醫。此得人所以最難。自古及今。代不數人。元以前。無論明朝三百年。止得數人而已。李平湖之博。繆仲仁之辨。薛立齋之智。近則李士才之達。喻嘉言之明通。吾子之弘肆。我所言者數人。皆上闕星宿。鍾山川之靈而生者也。今日既許在著書中人。願吾子勿以菲薄自待也。著書當弘而肆。醫道盡矣。至矣。化矣。神矣。解法。更有人病內傷而頭疼目疼。心脇疼。遍身痛。手足又痛。此皆肝氣鬱蒸之故。或頭痛救頭。脚痛救脚。治何日始能盡期。當據其要而先治之。餘者不治自愈。方用白芍五錢。當歸三錢。柴胡三錢。天花粉三錢。丹皮三錢。梔子三錢。甘草三錢。川芎一錢。香附一錢。桂枝一錢。水煎服。此方妙在白芍為君。柴胡為臣。祛風祛痰。為佐之藥。使一劑而脇痛去。再劑而諸痛平。三劑而一身泰。真扼要爭奇。解法之至妙者。使之內傷之症。尤多奇功。願世人勤而用之。收功無量也。華君曰。未傳于予。

欽治法

論亡陽

論下血

論止血

論頭汗

論手汗

五

必

卷二

解治法

欽治法

五